

LEBI YA KIŠONTLE YA TAEMANE

Na ke eng?

Ka la 1 Nofemere 2008 Lebi ya Kišontle ya Taemane go ditaemae tša go se pholešwe tša go išwantle go tšwa ka Afrika Borwa e ile ya tsebišwa. Le ge e lege gore se se molaong ka go Molao wa Lebi ya Kišontle ya Taemane, SARS e filwe taolelo ya go laola le go kolela lebi ye.

Na ke ya mang?

Batšweletši ka moka, Bagwebi, Batšweletši ba dimenerale le/goba Baswara Diphemiti ba swanetše go lefela lebi ye ge ba iša ditaemane ka ntle.

1. Pušetšo ya molefedi wa lebi (k.g. motho yo a ngwadišitšego yo a dirago tefelo ya lebi go ya ka pušetšo k age go laeditšwe ka go Karolo 5(1) ya Molao wa Taolo) gomme a ka lefela lebi go ya ka ditaetšo tša Karolo 5(1) tša Lebi ya Kišontle ya Taemane (Taolo)
2. Moswara phemiti o tšewa bjale ka molefelalebi wa thwi (motho yo a sa khwalifayego bakeng sa ngwadišo ka fase ga Karolo 2(1) ya Molao wa Taolo goba ke motho yo a hlalositšwego ka go Karolo 5(1A) ya Molao) gomme o tla dira tefelo ya lebi pele a ka iša ntle taemane ya go se pholišwe go tšwa ka Afrika Borwa.

Na ke dikgato dife tše ke swanetšego go di dira?

Batšweletši, Bagwebi le Batšweletši ba dimenerale bao ba gwebago ka taemane ya go se pholešwe ba swanetše go ngwadiša dikgwebo tša bona le SARS.

Ka ngwadišo, kgwebo e tla amogela nomoro ya khoutu ya moreki ya Khastom yeo e swanetšego go dirišwa ge taodišo ya kišontle e dirwa go SARS. Tše di latelago di a hlokega:

- Go tlatša ga diakhaonte tša motšhelophahlogae ka kgwedi enngwe le enngwe ya botshelela, le ge e ba “pušetšo ya lefela / akhaonte “ e tlo dirwa.
- Pele ga kgopelo ya ngwadišo e diragala, Mokgopedi o swanetše go hwetša Diphemiti / Dilaesense go tšwa go Molaodi ka Johannesburg

Na ke tekanyo efe ya lekgetho la kišontle gape ke efe nepo ya Lebi ya Kišontle ya Taemane?

Tekanyo ya kišontle ya lekgetho ke 5% ya palomoka ya boleng bja fase bjo bo lefetšwego go fetiša goba bjo bo lefetšwego ka fase. Nepo ya Lebi ya Kitontle ya Taemane bjale ka ge e tlhalosiše bobedi ka go [Molao wa Lebi ya Kišontle ya Taemane Nom. 15 wa 2007](#) le [Molao wa Lebi ya Kišontle ya Taemane \(Taolo\) Nom. 14 wa 2007](#) ke go:

1. Tšwetšapele tšweletšo ya ekonomi ya selegae ka go tlhohleletša entasteri ya taemene ya selegae go tšweletša (ripa, pholeša, bjalebja) ditaemane mo nageng;
2. Go tšweletša Mabokgoni; le
3. Go tlhola mešomo

Na e swanetše go lefelwa neng gape bjang?

Molao o tšweletša ditefelo tša dikgwedi tše tshelala, k.g gabedi ka Ngwaga wa Ditšhelete. Sebaka sa Tšhelete se ya le gore na ke motho wa tlhago goba ke motho wa semolao mohlala, Kgwebo.

Balefi ba pušetšo ya lebi ba tla lefela lebi go ya ka melao yeo e laeditšwego go Karolo 5(1) ya Molao wa Lebi ya Kišontle ya Taemane (Taolo). Moswari wa phemiti o tšewa bjale ka molefi thwii wa lebi gomme o tla dira tefelo ya lebi pele a išantle ditaemane tša go se pholešwe ka ntle ga Rephabliki. E ka lefelwa ka EFT ya Panka goba ka tšheke ya go tlišetšwa go [Makala a diofisi tša SARS](#) ao a laeditšwego.